

Un demostracion di hermandad y amor pa Boneiro

Aruba a celebra Dia Nacional di Boneiro den grandi



Diadomingo a habri Aruba den pleno celebracion di dia di nacional di Boneiro, unda cu varios Minister di Aruba, miembran di Parlamento, Gezaghhebbber di Boneiro, Diputado di Boneiro y e comunidad di Boneiro residencia na Aruba a uni pa e ceremonia protocolario, cu a tuma luga na Club Bonaire na San Nicolas.

Ta trata aki di un actividad masha bon bishita, organisa pa un comision bou liderazgo di Jairo Evertsz y Elvis Tjin Asjoe. Nan a percura pa rebiba e gran Dia Nacional di Boneiro na Aruba. Esaki ta un muestra cla di e gran hermandad y solidaridad cu ta reina entre Aruba y Boneiro, cu sigur ta bin di e raisnan di nos antepasadonan.

Coro Tutti Frutti, bou guia di Maybelline Arends-Croes, a duna un bunita presentacion y a canta e Himno Nacional di Boneiro y Edjean Semeleer a

canta nos dushi Himno di Aruba pa duna inicio na e ceremonia. E publico tabata grandi y a conta cu presencia di Presidente di Parlamento, Drs. Paul Croes, Prome Minister mr. Mike Eman y su señora, Minister di Turismo Otmar Oduber, Minister Benny Sievinger y su señora, Rijksvertegenwoordiger di Hulanda pa Boneiro, Wilbert Stolte, Gezaghhebbber di Boneiro, Lydia Emerencia y Diputado di Boneiro, Silvana Serfilia. E presidente di e comision, den persona di e conocido, Jairo Evertsz, tabata hopi emocionada di mira asina tanto hende bini hunto pa celebra un fecha asina special pa e pueblo di Boneiro. Jairo Evertsz a enfoca riba e gran hermandad cu tin entre e hendenan di e islanan aki: “E raisnan cu ta core den e suelanan ta fuerte y apesar cu Antias di 6 no ta existi mas, toch e hermandad entre e islanan ta

mas fuerte, nos ta cla pa asisti otro na cualkier momento. E dia 10-10-10, ta un acto cu nos firma y a hinca bek den lachi, pero e famianan manera Kock, Tromp, Maduro, Figaroa, Winklaar, Martijn, Thode, Jacobs, Kirindongo entre otro, a tene man di otro y den nos dushi lenga di Papiamentu a bisa cu nos ta keda ruman.”

Prome Minister mr. Mike Eman tambe a enfatisa riba e gran sentimento di hermandad cu tin entre e pueblo di Aruba y Boneiro, unda cu nos por mira y biba esaki diariamente entre e lazonan estrecho cu tin no solamente riba tereno politico, pero hasta den nos musica. Un ehempel cla di e sentimento aki ta di señora Lidia Emerencia, cu tabata rector di Universidad di Aruba y awo tin e posicion clave di Gezaghhebbber di Boneiro, pero tambe nos Prome Minister a referi na e banda cu ta causando furor ultimamente, esta Rincon Boys, cu mediante nan musica tipico a demonstra cu nan ta duna sentimento na loke ta di nos y cu no tin frontera musical. Tur esaki ta evidencia y simbolo hopi cla di e relacionnan entre Aruba y Boneiro.

“Inspiracion di hermandad, awe un biaha mas den tur e colornan aki y den tur alegria, cu lama no ta para hermandad su



stimacion di cruza fronteranan. Cu solidaridad ta pasa riba tur distancia, ora cu nos refleha ariba con nos islanan a wordo tipica, nos por corda cu pa hopi añanan ta papia di e islanan ABC, aunke geograficamente e distancia ta poco mas grandi, mi ta kere e alfabet ta bisa hopi, di con nos ta sinti entre e islanan ABC”, nos Prome Minister, mr. Mike Eman a expresa.

Gezaghebbber di Boneiro tambe a duna di conoce, cu su mayornan a demonstra un gran

no ta cuminsa simbolicamente cu e inicio di locual a bin yama; Union Mutualista Boneriano,” segun e Gezaghhebbber.

E acto ey cu e Bonerianonan cu a bin na Aruba, di lanta un organizacion asina, un unico den su tipo den e tempo aya, ta muestra pakico Boneriano ta para p’e. Esta cu den temponan dificil, ta saca man pa tene otro y ta yuda otro, pasobra esey t’e union ta para p’e, no tabata solamente p’e Bonerianonan,

pero pa tur otro persona aki na Aruba por a bira miembro di e Union Mutualista Boneriano y a crea un union cu te awe ta yuda tur persona ora nan ta den situacion dificil of den cualkier otro momento tabata t’ey pa otro.

E comite organizado a dicidi di scoge e diadomingo despues di dia 6 di september, como e fecha glorioso pa expresa e amor pa Boneiro, sin importa con leu nos por ta.

Ta di sumo importancia pa nos sigui cu e solidaridad aki y tur loke nos paisnan a crea cu tanto cu sentimento pa e convivenencia aki. Amor y stimacion ta forma loke nos paisnan tanto ta comparti y esaki sigur mester bira un celebracion pa semper. Na final di e ceremonia protocolario tur e ministernan, gezaghhebbber y diputado a baila y wapa sin fin, gozando di e dushi musica di Rincon Boys. Finalmente e comision a gradici enormemente tur e personanan cu a yuda, tur instancia, Gobierno, comercio y pueblo en general, ya cu hunto a haci e dia aki un exito rotundo.



stimacion pa otro, siendo cu su defunto tata, tabata procedente di Boneiro y su defunto mama tabata di Aruba. E ta sintie hopi orguyoso di su mayornan, cu semper a inculca den dje un gran stimacion pa tanto Aruba como Boneiro. “E mesun situacion ey, unda cu mucha muhe y mucha homber ta topa otro y ta cera laso di amistad cu otro y mi ta sinti cu ta loke ta refleha awe mainta. Nos tin recuerdo y conexion personal cu e Club Boneriano, cu porta no ta tur hende sa, pero e club ta solamente un parti di locual e presencia Boneriano a haci akinan na Aruba. E presencia Boneria-